

Masaaba - Buwonesi Bibyaronebwa - Salvation Scriptures

BaEfeso 2:2 Khaale mwaba mukyeendatsaka nga mulondelela shibala shino byeesi shikana; nga mulondelela umuwuli we bisimu bye mu mbewo, nga niye umwoyo umubi uraambila akari muubo babamiinyalila Wele.

Matayo 6:10 Buyinga bwoowo bwiitse, khayoy byeesi ukana bikholebwe mu shibala, nga ni bikholebwa mwikulu.

Luka 22:42 nga aloma ari, "Papa, noola ukana, n'undusekho shikhopo shino she kumutaambo, ne akhuba nga ise ni ngana ta, ne iwe sheesi ukana shikholebwe."

Yohana 16:7-9 Ne mbaboolela mu njali ndi, khuutsya khwase khubayeeta nywe. Khulwekhuba ni ndekha khuutsya ta, Umuyeeti s'aliitsa ta. Ne n'intnya, indyakaanisa Umuyeeti isi muli. 8 Umuyeeti uyo n'aliitsa, alyokesanisa bunjanafu isi babandu be mu shibala khu biwamba khu byonako, ni khubiwamba khu bukwalaafu, ni khukhala khwe kimisaango. 9 Sibali batuufu khu biwamba khu byonako ta, khulwekhuba sibaafukiilila ise ta.

2 Timosewo 2:10 Ni nashiryo ise ninyindaalila buli shitweela khulwe babandu ba Wele babaali barobole, ndi nio nabo banyoole buwonesi bubwama mu Kristo Yesu, bubureera shiriifwa shikhawawo ta.

BaRoma 15:20,21 Shitsilililwa shase busheelee shaba she khulaangilila kamakhuwa kamalayi, mu bifwo mweesi bashiili khumanya Kristo ta. Khulwekhuba ise nakana khunanikha mu shifwo sheesi ukuundi ashiili khunanikha ta. 21 Ne akhali ndi ise ikhola nga ni sharonebwa shiri, "Abo babashiili khuwulila khu biwamba khu Kristo ta, bali mubona, ni naabo babashiili khuwulila khu bimuwambakho ta, balimanya."

Buraambi 2:36,37 "Nashiryo kha babandu boosi ba Isiraeli bamanye akhali khukhwiririkana ta, bari Wele wakhola Yesu yuno isi mwatsangilila khu musalaba, khuuba Umukasya lundi Kristo." 37 Ne babandu ni bawulila bilomo bino, byabatsiina naabi mu myoyo kyaabwe, kila bareeba Petero ni barume babaramile boosi bari, "Bebulebe ifwe kane khukhole khuryeena?"

BaHeburania 4:2 Lwekhuba nafwe khwawulila kamakhuwa kamalayi keesi baakhuboolela ifwe, nga nibo nabo ni baawulila. Ne burume bweesi baawulila sibwabayeeta ta, lwekhuba ibo babaawulila sibatubaasakho khufukiilila ta.

Yeremiya 24:7 - Matayo 22:37 Yesu wamwiilamo ari, "Kanatsaka Umukasya Wele woowo, ni kumwoyo kwoowo kwoosi, ni bulamu bwoowo bwoosi, ni kamakyesi koowo koosi.

Buraambi 16:14 Mutweela khu bakhasi babaaba bakhurekeeresa lisiina lyeewe aba Lidiya, uwaba ama mu Siyatila. Umukhasi yuno aba umukulisi we

tsingubo tsinandaafu, nalundi nga esaayatsaka Wele. Umukasya wamubimbula kumwoyo kweewe, khuwulilisa byoosi byeesi Paulo akanikha.

Matayo 13:14-16 Ne buŋoosi bwa Yisaaya umuŋoosi, bwolele isi muli, nga niye n'aloma ari, 'Babandu bano khuwulila kane bawulile busa, ne sibalibimanya ta. Khulola kane balole busa, ne sibalinyala khubyofwaasa ta. 15 Lwekhuba kimyoyo kye babandu bano kyasitowe, ni kamaru kaawe kekalikhile, nalundi bafunyxikhisile tsimoni tsaawe. Sibanyala khubona ni tsimoni tsaawe ta, namwe sibanyala khuwulila ni kamaru kaawe ta, nalundi sibamanya ni kimyoyo kyaawe ta. Baba babanyalisile khukhola bino, khali bashuukhile beetsa isiise, Wele waabwe ni nase nandibawonesele.' 16 "Ne inywe nga Wele wabaweele ikhabi! Lwekhuba tsimoni tseenywe tsibona, ni kamaru keenywe kawulila.

Yisaaya 6:9,10 - Buraambi 28:27 Lwekhuba kimyoyo kye babandu bano kyasiluware. kamaru kaawe kaminyaalile, nalundi ni tsimoni tsaawe sitsibona ta. Bari nio bakhanyala khubona ni tsimoni tsaawe ta, nalundi balekhe khuwulila ni kamaru kaawe ta bari nio balekhe khuwamba bibindu bino mu myoyo kyaawe ta, balekhe khwinyukha khukobola isi ise ta khubawa buwonesi."

Mariko 4:11,12 Kila abelamo ari, "Inywe mwawebwele shimoonyo shishiwamba khu Buyinga bwa Wele. Ne isi babandu babandi boosi bibindu bili mu simo busa. 12 Shitsilililwa shili indi, babandu bano khulola kane balole, ne balekhe khubona ta. Khurekeeresa kane barekeerese, ne balekhe khubimanya ta. Abe ni bakhola baryo banyala bakobola isi Wele, wabeyakhila bibyonako byabwe."

Yohana 12:39,40 Ni khulwe ilomo yino, sibaanyala khufukiilila ta, khulwekhuba Yisaaya waloma ahandi ari, 40 "Wele wababofwasa tsimoni tsaawe. Nalundi wakhola kimyoyo kyabwe khuuba kimihandalafu, nio balekhe khubona ni tsimoni tsaawe ta, namwe nio balekhe khumanya ni kimyoyo kyaawe ta, khulwekhuba beetsa khushuukha, ise nabawonesa."

BaRoma 11:7,8 Shinaanu shishalooselakho? Babandu ba Isiraeli bakhasikha khunyoola abe sheesi baweentsa. Bafwiti bari khu nibo babanyoola abe sheesi baweentsa, ne babaramile barama nga baminyaliile burume bwa Wele. 8 Shaba nga bibyaronebwa bikhosefu ni biloma biri, "Wele abawa kumwoyo kukukhamanya mangu ta, ni tsimoni tsitsikhabona ta, ni kamaru kakakhawulila ta. Ni khukhwolisa khu shifukhu she shaleelo, bali busa baryo."

2 BaSesalonika 2:10,11 ni khukhola bye buubi bwoosi, khuborosa ibo babaatsya khuhela. Babeene ibo bahela lwekhuba baayikaana khukana bwanjali nio manya bawonesebwe. 11 Ni lwe lomo yino, Wele abasindikhila khuborokha khwe kamaani khuraambile mu nibo nio akile bafukiilile bye bubeeyi.

Matayo 13:18-23 “Aso, ari ni murekeerese sheesi lusimo luno lw'omumiitsi lumanyisa. 19 Bumiitso bubwakwa khu ntsila nibo babandu babawulila shilomo she Buyinga, ne balekha khushimanya ta. Umusiku wa Wele etsa wawutula isho shishimitsiwile mu myoyo kyaawe. 20 Bumiitso bubwakwa khu lwanda nibo babandu babawulila shilomo, bashifukiilila bulayi ni kumwikhoyo mu myoyo kyaawe. 21 Ne lwekhuba sibali ni tsiindi taawe, shilomo sishiikha mu myoyo kyaawe mukari shamalakho imbuka ta. Ne bukosi namwe kumutaambo ni biitsa lwe shilomo, babandu bano bakhasikhana khaangukho. 22 Bumiitso bubwakwa akari mu mawa nibo babandu babawulila shilomo, ne khukhwiyebelela khwe shibala shino, ni khukhwiwotooma khwe buyindifu, biryo bisindakilila shilomo byashihesa, shalekha khwanakho bibyaamo ta. 23 Ne bumiitso bubwakwa khu liloba lilayi nibo babandu babawulila shilomo, bashimanya bulayi. Baryo ilala nibo baanakho bibyaamo, alala baanakho shitoondo shitweela, alala kamakhumi kasesaba, ni alala kamakhumi kataru.”

2 BaKorinso 3:15,16 Ni khukhwoolesa shaleelo, buli lweesi basomela kamakambila ka Musa, shishibiimbakho isho shishibiimba khu myoyo kyaawe. 16 Ne buli lweesi umundu ashuukha weetsa isi Umukasya, shishibiimbakho isho shirusibwawo.

Hoseya 11:3-7 - Matayo 11:28-30 “Aso, ni mwiitse is'indi, inywe mweesi babaluwile, lundi babasitoweelwe, ni nase kane imbawose. 29 Ni muyile shisutwa shase, mushitwiikhe, muryo mwiikile khwiise, lwekhuba ise ndi umukwalaafu lundi umuwolu mu mwoyo, ni nanywe mulinyoolela kimyoyo kyeenywe shiwolelo. 30 Lwekhuba shisutwa shase sishili shisiro ta, nalundi shili shishaangu.”

Buraambi 26:18 Khubimbula tsimoni tsaawe, nio banyale khushuukha khukhwama mu shilima beelee isi buwaanga. Nalundi bashuukhe khukhwama mu maani ka Sitaani, beelee isi Wele, nio banyalise khufuna shishiyakhilo she bibyonako byaawe, ni khufuna shiifwo atweela ni naabo babamala khukwalaasibwa khulwe khufukiilila khwawe mus'ise.’ ”

2 Timosewo 2:24-26 Nga n'uli umwakaanisi uw'Omukasya, siwakhiile khuuba umundu ulomana ta. Uli ni khuuba uwe shiisa isi babandu boosi, umuleekeli umulayi nalundi uwikhalilikha. 25 Abo babakhukhandisa uli ni khubakwalaasa ni kumwoyo kumulayi, manya lukana Wele wabayeeta wabawa ikhabi iye khukhwibiyisa bibyonako byaawe manya boola khu khumanya byanjali. 26 Shino shinyala khubayeeta belamo khu makyesi babimbukha tsimoni nio akile belukhe mu mureko kwa Sitaani, abe uwabawamba baaba nga bakhola byeesi niye akana.

Khubimbulilwa 3:17-19 Khulwekhuba iwe wiyambaasakho uri, ‘Indi umuyindifu, nayitsusa bye buyindifu bikali, nalundi indi nabuli shitweela shoosi sheesi

ingana.' Walekha khumanya nga uli mu mutaambo ta. Nalundi uli utiimatiima busa, s'uli ni shishindu shoosi ta, uli ukhabona ta, nalundi uli busa bukhuna. 18 "Nashiryo ikhurewula ndi, n'ukule izaabu khukhwama isi ise. Izaabu yino yeesi bamala khujoonela mu mulilo, nio akile wikyele umuyindifu. Nalundi n'ukule bikwaaro biwanga khukhwama isi ise ukware, nio akile wirusekho khuswala khwesi ulimo khulekhe khubonekha ta. Nalundi n'ukule kamasuuswa khukhwama isi ise. Kamasuuswa kano ukare mu moni tsoowo nio akile tsibone bulayi. 19 "Ise inomakho nalundi nikiitsakho abo beesi ingana. Nashiryo n'uremo kamaani wibiyise.

2 BaKorinso 7:10 Kumutaambo kweesi Wele araambisa kureera khukhwibiyisa khwe buwonesi, khukhukhesonesekha ta. Ne kumutaambo kwe shibala kureera khuufwa.

1 Bayinga 18:37 - Wele turn heart back to Wele.

2 BaKorinso 4:4 Khu lubeka lwawe, wele we shibala shino wabofwaasa kimyoyo kye bakhafukiilila, balekhe khubona buwaanga kwe Kamakhuwa Kamalayi ke shiriifwa sha Kristo ta, niye umweene uli shifwani sha Wele.

Luka 8:11-15 "Kamakhulu ke lusimo luno niko kano, bumiitso nibwo shilomo sha Wele. 12 Bumiitso bubwakwa khu ntsila, nibo babandu babawulila shilomo sha Wele, ne Sitaani weetsa wabawutulamo shilomo mu myoyo kyaawe, nio balekhe khufuna buwonesi nga babira mu khufukiilila ta. 13 Bumiitso ibwo bubwakwa khu liloba lye khu lwanda, nibo babandu babawulila shilomo, bashifukiilila ni kumwikhoyo, ne lwekhuba sibali ni tsiindi tsindeeyi ta, bafukiililakho khakyeekhe, ne mu mbuka ye khukhakibwa, bakhasikhana. 14 Bumiitso bubwakwa mu mawa, nibo babandu, babawulila shilomo bulayi, ne nga batsiile, nilwe khukhwiyebelela, ni buyindifu, ni kumwikhoyo kwe bulamu buno, bakhasikhana, balekha khwama bibyaamo ta. 15 Ne bumiitso bubwakwa khu liloba lilayi, nibo babawulila shilomo, bashiiliinda bulayi mu myoyo kyaawe ni bubwiyikinwa. Bawulila shilomo bashibiikha bulayi, ni lwe khukhwikhalilikha, baanakho bibyaamo bilayi."

Buraambi 15:11 Lwekhuba ifwe khufukiilila khuri, nafwe nga nibo ni bali, khuliwonesebwa khubirira mu bweela bw'Omukasya Yesu."

BaRoma 8:13 Khulwekhuba ni mumenya nga kimibili ni kikana, kane mufwe. Ne ni mumenya nga Umwoyo n'akana, kane mube balamu khulwekhuba muba mwafuniakile buraambi bwe kumubili.